



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 44. Urbis Constantinopolitanæ Fundatio.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

Sæculum IV. Urgentibus Arianis simul duo alii
 A. C. 328. SS. Episcopi Asclepas Gazæ, & Eutropius
 Andrinopolitanus depulsi. Asclepas per
 versam Doctrinam fovere accusatus est
 eique Quentianus suffectus. Eutropius
 sæpe Eusebium Nicomediensem repre
 hendebat, &, apud se Andrinopoli
 vertentibus, suadebat, ne impiis ejus ser
 monibus fidem haberent; ad hunc delin
 ciendum conatus Arianorum secundavit
 iracundia Basilinæ Julii Constantii ux
 ris, & Juliani Apostatæ Matris, hanc quip
 pe Eusebius cognatione contingebat,
 quæ muliebri odium in Eutropium con
 ceperat.

*Athan. ad
 Solit. p. 812.
 Idem Apol.
 p. 766. id.
 p. 812.*

§. XLIV.

*Urbis Constantinopolitanæ
 fundatio.*

Zof. l. 2. Constantinum, Deorum cultum aperte
 p. 685. 686. spernentem, Senatus, populusque
 Romanus, cujus pars major adhuc dum
 Idolis serviebat, oderat. Divinationes
 vanas, quarum maxima erat Religio, vi
 lipendebat; cum Romæ ageret, incidit
 festa dies, qua eum vetus consuetudo,
 proceribus omnibus stipatum, in Cap
 tolium vocabat; de hac cæremonia ad
 monitus, palam explosit; dumque Gen
 tiles moris antiqui derisionem vicissim
 cavillis ulciscuntur, Romam averfari ce
 pit.

pit, statuitque urbem aliam ædificare, Romanorum fastui parem, ubi Regiam Sedem figeret. Jam olim Diocletiano consilium fuerat, Nicomediam ad hoc honoris fastigium evehere, & efficere Romæ æmulam. Constantino animus erat prope antiquam Trojam novam urbem moliri, jacta erant fundamenta, surgebant muri, sed brevi post aliud placuit, nam cum Byzantium venisset, captus est loci amœnissima specie, situque super colles prominentes in fretum, quod maria duo, Propontidem, & Pontum Euxinum conjungit, iterumque ex terra firma utraque tam ex Europa in Asiam, quam ex Asia in Europam transituris brevem trajectum præbet. Ibi ergo Sedem fixam elegit Constantinus, & vasta condidit mœnia, quæ hodieque ex ejus nomine nomen gerunt.

Sæculum IV.
A. C. 328.

Lact. de morte.

Sozom. II. hist. c. 3.

Byzantium vetus originem debebat Byzæ Regi Thraciæ anno tertio Olympiadis trigesimæ, id est, anno ab urbe condita 99. Manassis Regis Juda quinquagesimo quinto. Calcedon, adversa ex parte in Asia stans, exstrui cœpit non nisi octodecim annis prius, anno secundo vigesimæ sextæ Olympiadis. Byzantinis civibus sub Romana Ditione libertas erat, sicut & aliis Græcorum urbibus, suis legibus vivendi, dignitate etiam urbium Metropolitanarum gaudebat, donec

Chron. Euf.

Sæculum IV. nec Severus, quod ex parte Pescenn
 A. C. 330. Nigri stare, captam, dejectis mœnibus
 ad tenuis oppidi sortem redegit, deinceps
 subjectam Perintho, alias Heracleæ futu-
 ram; hinc Episcopi Byzantini erant Se-
 dis Heracleensis suffraganei. Hanc Con-
 stantinus debellato Licinio sibi subjecit
 & non nulli dixerunt, fuisse ab eo restau-
 ratam in perpetuum Victoriæ suæ monu-
 mentum.

Et vero haud multo post illam victo-
 riam huic labori initium dari præcepit,
 nempe anno 326. secuta est solemnis De-
 dicatio anno 330. die Lunæ 11. Maji In-
 dictione tertia, anno ab urbe condita
 1080. ex quo sequitur fuisse annum 981.
 post Byzantii foundationem. Dicta est
 græce, hac enim lingua Regionis indige-
 næ loquebantur, Constantinou-
 polis, id est, Constantini urbs. Alio nomine e-
 tiam Roma nova appellata est. Singulis
 annis Dedicacionis ejus anniversarius pu-
 blicis ludis celebrabatur. Murorum am-
 bitus quindecim stadia, id est, unam fer-
 me leucam dempta quarta parte comple-
 tebatur, sed a sequentibus Imperatori-
 bus multum auctus est. Illuc Constan-
 tinus novos incolas ex veteri Roma, &
 Provinciis allexit, multos redditus tum
 pro ædificiorum fartis tectis, tum civium
 commeatu assignavit. Senatum, Magi-
 stratus, varios populi ordines, omnia Ro-
 mano

Sozr. I. hist.
c. 12.

Sozom. II.
c. 3.

mano mori per similia constituit; Roma-
 nae Leges observabantur, omnibusque
 veteris Romae privilegiis nova gaudebat.
 In quatuordecim Regiones, sicut Roma
 vetus, dividebatur, iisdem aedificiorum
 publicorum generibus decoratas, si tem-
 pla excipias. Plura visabantur fora, por-
 ticibus circumdata, quorum praecipuum
 Constantini nomen retinuit, eratque in
 medio Imperatoris statua columnae ex
 marmore porphyrico imposita. Caesaris
 Palatia duo aedificata, & in majoris pro-
 spectu Circus, seu hippodromus, equo-
 rum decursionibus destinatus. Stadia,
 seu curricula cursui pedestri parata, Cir-
 cus Bestiarum pugnis, theatra aliis spe-
 ctaculis, porticus deambulaturis, ther-
 mae, aquae ductus, fontes magno nume-
 ro visabantur. Capitolium exstructum,
 ubi artium, scientiarumque Magistris sua
 erant auditoria. Praetorium, & plura
 alia diversae jurisdictionis tribunalia.
 Plures Basilicae, in quibus negotia tracta-
 rentur. Domus frumentariae, & pluri-
 mi gradus, quibus panes tribus hominum
 ordinibus distribuebantur, nempe Regiae
 ministris, militibus, & civibus; namque
 Constantinus omnibus iis, qui ad augen-
 dam civitatem domos exstruerent, & fa-
 miliae eorum panes certo numero ero-
 gandos in perpetuum concesserat.

Saeculum IV.
 A. C. 330.

Id. VII. c. 9.
 v. Cang.
 Const. Chri-
 stiana.

S s

§. XLV.